



Sabtu, 22 Oktober 2022

Ogen : Roma 1:21-25



"Ngaku Pentar Tapi Motu"



Kemajuan tidak mungkin tanpa perubahan dan mereka yang tidak dapat mengubah pikiran mereka tidak dapat mengubah apapun (George Bernard Shaw). Melala kal sura-suranta gelah kalak si deban robah umpamana anakta, perbulangenta, seninanta, temanta meriah ras sidebanna. I bas ia robah e min si bagi sura-suranta. Pernah nge si ukuri kai si man perubahren i bas dirinta? Janah uga nge e pengelakokenta? Paulus ngerana man perpulungen Roma kerna kecibal manusia. Enggo ibegina kata Dibata, enggo ietehna pengajaren si payo tapi iusur-usurna ngelakoken pemetehna si ndekah. Perukureнна si sea-sea saja ngenca janah pusuhna enggo batu-batun. La ise pe akapna payo seakatan dirina ras pemetehna. La ia nggit ngelakoken Kata Dibata e apaika empermuliakensa. Kalak si bage nina Paulus, 'ngaku pentar tapi situhuna motu.' Melala iangkana Kata Dibata tapi terjeng bas otakna ngenca, la ipakekenna bas kegeluhenna si teptep wari. Ietehna nge Kata Dibata e payo tapi meteruksa akapna bana adi idalankenna kata e. Si meteh kata Dibata e tapi la idalankenna si tuhuna e me kalak lenge entah motu.

Guna ndatken kemajun nggeluh, perlebe kita jine nggit robah, labo terjeng pemeteh ngenca itambahi tapi perbahanen ku si mehuli e lah min ipebelin. Nggit nadingken pengangkan si kurang payona adi enggo si begi pengajaren si payo. Melala pemeteh si aloken kita apai ka i bas jaman gidital enda. Pemeteh e perlu itampung tapi pilah apai si man dalanenken. Adi kata Dibata la terpilasi, kerina perlu idalanken. Kalak si nggit ngubah carana rukur kempak cara Dibata rukur, ia nge si ndatken kemajun ngeluh.